

# الامم مجیدی

مدیری : حامی ثابت

۱۴ ربیع الآخر ۱۳۲۲

۲۷ شیاط ۱۳۲۹

یل ۱

صافی

او کرته جکسگنز؟ الله کوکلرده ، یرده نه وار نه یوق هپسنی بیلیر؛ الله هر شیئی تمام بیلیر . اونلر اسلام اولدقلرندن دولایی سکا منت ایدیورلر ؛ سن اونلره دی که اسلام اولدیغکیزی بنم باشمه قاقمیک ؛ بلکه ، اگر سزایمانگیزده طوغری ایسه گنز ، الله سزه طوغری یولی کوستردیکی ایچون منت ایدر . هیچ شبهه یوق الله کوکلرده ، یرده کورونمین شیلری بیلیر ؛ وسزک ایشادکار یگزیده کورور .

خ . ن

### اورویالی بر فیلسوفک قرآنه کریم مقننه تقریرات و مطالعاتی [۱]

قرآنک فلسفه سی و عالمده کیفیت و سبب انتشاری

قرآنک محتوی اولدینی احکام و قواعد باشلی باشنه بر طاقم دساتیر و عقائده تحویل ایدیلوب هیئت عمومی سی اعتباریله مطالعه اولنسه ، اسلامیت ، خریستیانلغک ، بیست و ساده بر شکلی اوله رقی تلقی ایدیله بیلیر . کرچه اده لرنده (توحید) کبی مهم بعضی فرقلر موجود ایسه ده هر دینک محتوی اولسی لازمکن نصائح و حکمیاتک بوا یکی دینده موجود اولسی حییه اساساً بیوک بر مشابیهت عرض ایدرلر .

قرآنه و اسلامیه نظراً : رقیب و شریکی اولیان و بتون موجودات و مکنوناتک فوقده بولان ذات واجب الوجود مطلقدر . هیچ بر معین و نصیرم مفتقر اولدیغی کبی حواری و اشخاص مقربیه و مقدسه ایله ده محاط دکادر . اسلامیت وحدت الهیه نی عالمده تأسیس و ادخال ایدن اک برنجی دین اولغله افتخار اید بیلیر .

[\*] مالکتمزده پک معروف اولان فرانسه مشاهیر اجتماعیونلر دین و کونستاولوبون ک « عربلرک مدنیتی » نامیه یازمش اولدینی مهم بر اثرنده دین اسلام حننده مصاف نظرم اولان تقدیرات و محاکاتی عمومک انظار دقتنه عرض ایلک ایستدم . حیات شخصییه و مطالعات ذاتیه مک تأثیرندن آزاده اولقی و بودنه ، ملسوب بولندینم حییه طرفکیراک اسنادینه محل بر اقامتی ایچون عبارته مک معناسنی تغیردن ، بعضی علاودلر یا بتقدن صوک درجه اجتناب ایلدم . یالکز مؤلفک حقیقی حیات و جدی محاکاتنه ترجیح اولان یازینک تورکجه متابالیرینی دیزدیرک اویله جه یازمنی موافق بولدم .

- مترجم -

بوخالص (توحیددن) در که بساطت و ساده‌ک انبعاث ایدر . و بو بساطتده در که بو دینک قوت و مکتبی اسبابی ازانیه بیلیر . اسلامیتک بشقه دیندرده اولدینی کبی عقل سلیمه اویمیان مشوش و مغلق ، و علی الاکثر متناقض بعض عقائد و افکاردن معری اولسی بو شایان حیرت قوتی تأسیسه سبب اولدی .

اسلامیت شویله جه خلاصه ایدیله بیلیر : طایه‌جق بر الله ، و بو ذات الوهیه قارشوده مخلوقات عین درجه‌ده مساوی ، برده بعض اوامر و وصایا در که : اوکا اتباع ایدن جته ، ایتیمان ایسه جهنمه مستحق اولور . بو اساساتده ، تشویش و اغلاقه سبب اوله‌جق هیچ برشی یوقدر . هر هانکی بر مسلمان اولورسه اولسون ، دینک احکام اساسیه‌سی ، بو بساطت و وضوحی سییه کوزل بیلیر واکلار . و سالکی بولندینی شو دینک اوامر و وصایانی کال سهولته اکلایر و ایضاح ایدر . حالوکه بر خریستان ، اقام ثلاثینی ، سر اثر استخلافی ، و ایچندن جقیله‌ماز بعض رموزات و اشاراتی اکلایمق واکلایمق ایچون ، علوم دینی‌ده ید طولی صاحبی اولغله برابر علم و کلامک غوامض و دقائقه واقف اولسی لازمدر .

اسلامیتک شو وضوح و قطعیتی و بو اوصاف اساسیه‌سه انضمام ایدن حس شفقت و عدالتی ، عالمده کمال حیرته مشاهده ایلدیکمز تعمم و انتشارینه بیوک عاملر اولدی . بو اوصاف بزم کوستریور که : اسلامیتک ظهور و انتشاری آئنده محمدیلرک نام و نشاتی طائیان خریستان مصر لیلر ، استانبول ایتراطورینک تحت حاکمیتده بولندقلری زمان اسلامیتی بلا تردد قبول ایلشله ، و کندیلرینه یکانه بر مسلک و مذهب اتحاد ایلشردر .

بوندن بشقه هر هانکی بر کتاب دینیک ، بر عقیده مذهبیته نک قیمتی ، محتوی اولدینی ضعیف و عمومیه قابک جرح بعض قواعد فلسفیه‌نک الفاظ ظاهریه و سطحی‌لرینک قوتیه اولیوب بلکه بو کتاب و مذهبک سالکین و تابعیتی اوزرینه اجرا ایلدیکی تأثیرک درجه‌سیله تعین ایدر . بو نقطه نظر دن محاکمه و مطالعه اولنسی لازمکن اسلامیت ایسه مارالذکر اوصافی حاوی دنیانک نک مهم واک شایان تقدیر ادیانک برنجیدر . اوت : اسلامیت ، ادیان سائر نک تلقین

ایلاهیکی اوامر و وصایان خارج ، بر شینی ایجاد و امر ایله کی شهسز . مثلا عدالت ، صلا ، انسانیت ، کی دساتیر اصلیه ادیان سائرده نصل موجود ایسه اسلامیتده اولیه در . فقط اسلامیت بونلری اولیه بر وضوح و قطعیت ایله تعلیم و تلقین ایدر که هر کس بلا مشکلات تفهم ایدر . بو تلقیناتیده روحه رشیم قلبه صوفیه ، برلندیرمکی بیلیر و هر هانکی بروسطه جبرییه ایله اولورسه اولسون قلع و ازاله سی تمتع بر حاله کلیر .

اسلامیتک تأثیر سیاسی و مدنیسی الحق شایان تقدیردر : محمد (ص.ع) دن اول عربستان نیم مستقل ، جاهل قبائلدن متشکلدی . ارم لرنده حرب و غارت اصلا کسلیموردی . بر عصر مکره ، محمد (ص.ع) او مشهور دستورلریله ظهور ایلدی ؛ عرب ایمپراطورلقی بالتأسیس حدودینی هنددن اسپانیایه قدر تمدید ایتدی ؛ عربستان و عرب ایمپراطورلقی مهد مدنیت و منشای حضارت اولدی . پوششعلی تکاملک سبب حصولی شودر که : اسلامیتک علوم و فنونک انکشاف و تکملنه و افکار ترقی و روانه تک توسع و انتشارینه مساعد اولغله بر ابر حیات مرحمت و شفقتکاری بی تشجیع و حمایه ایدان یکانه بر دین اولمیدر .

بودا مذهبی مهم و اساسلی افکار و قواعد فلسفیه بی محتوی اولسی طولانیله اقوام سامیهیه منسوب ادیانیه مرجح ایسهده ، عوام خلقه و هر کسک سوبه ادراک و اذعانته موافق اولان اسلامیتک شهسز که دوشنده قالیر ،

محمد (ص.ع) ک تابیین و تابع التابینک وجوده کتیرمش اولدینی مدنیت ، هر مدنیت کی دور اعتلا و توقفه و نهایت دور خوف و انحطاطه تابع اولدی . فقط زمان ، پیغمبرک احکام و قواعدینی محافظهده اسیر که مدی . بوا حکامک تأثیر و نفوذینی او قدر قوتلی و غیر مقاومت بر حاله کتردی که : اوندن ده اقدیم اولان ادیان کونندن کونه اهمیت و نفوذ لرندن مهم درجهده غائب ایلا کلری شو کونلرده محمد (ص.ع) ک مذهب و اساسلری بالعکس کسب قوت و قدرت ایلکیده در . اسلامیتک بو کون یوز ملیوندن [\*] زیاده سال کلری واردر . عربستان ، مصر ،

[\*] اسلامیتک سال کلری محررک کونستردیکی عدددن جوق فضلدر (ا.م.م.)

سوریه ، فلسطین ، آسیای وسطی ، هندستان و روسیه و نهایت چین و افریقا و خط استوائك متباسبه قدر یاییلمش و بوعمالکده کی اتباع و انصار نجه مرعی و محترم طوبلقده بولمشد .

مختلف عروقه منسوب اولان بواسلامتک پیروانی ، قرآنك احکامنی کتدیلمینه قانون عمومی اتخاذ ایدرلر و بری دیگر یله صیقی و قوی رابطه لره باغلی اولوب هر سنه بر معتاد مکینه ورود ایدن حجاج بورابطه دینه وسیله سیله یکدیگر نریله طائیشیرلر وارملرنده اخوت و مودت تأسیس ایلرلر .

محمد ( ص . ع . ) ك اتمه منسوب هر شخص قرآنك عباره سنی ، متنی ، عرب لسانیه آزو یا چوق اوقویه بیلیر . بوسیدن طولانی دینیله بیلیرکه بولسان دنیاده اك چوق انتشار ایتش السنه دن بری سیدر .

اسلامتک احکامیه عمل و اوکا کوره حرکت ایدان اقوام ، منسوب بولندقلری مختلف و غیر متشابه ملک و عروقه زعماً یکدیگرلریله اولیه بر صورتله یاغلامش ، ارملرنده اولیه ضمان تأسیس ایشدزکه عندالحاجه هپسینی بر نقطه ده جمع ایتك بك قولای اوله بیلیر .

قرآنك خیر العقول بر صورتده چهار اقطار عالمه انتشارینی کورن معارضلر ، وضد کیدن بعض مؤرخلر بوقوه عظیمة انتشاریه بی محمد ( ص . ع . ) ك حرب و ضربیه حصوله کیش اولدیغنی ادعا ایدیورلر . حالبوکه : بوا دعائك نه درجه ضعیف و غیر منطقی اولدیغنی کوسترمك ، اثبات ایتك بك سهلدر . چونکه : قرآنی یردغه اوقویوب ده امور اخلاقیه دایر محتوی اولدیغنی احکامك ، سائر ادیانیه نسبتله دعا سرت و دها شدید اولدیغنی کورمك اثبات مدعایه کافیدر . تعدد زوجات شبهه سزکه بودینده موجوددر . فقط بواصول ازدواج ، محمد ( ص . ع . ) ك دنیایه کلسندن اول شرقیلرجه موجود و معتبر اولوب قرآنی و اسلامیتی قبول ایلانلر تبدیل دینی ایللری وسیله سیله بواصولدن اصلا فضله منفعت کورمیه جکلردر .

محمد ( ص . ع . ) ك وضع ایتش اولدیغنی احکام و اساساتک متردی و غیر اخلاقی اولدیغنی بولنده واقع اولان اعتراضلر متبحرین فلاسفهدن ( بایهال )

طریقدن رد و جرح ایدلشد. حقیقتین فیلسوف پیغمبرک (صوم) متعلق موضوعاتی، هر درلو مشتهیات و ملاحیدن محروم ایتدیکی ایچون خریستیانلقدن دها سرت و دها شدید بولیور. وعلاوة دیورکه: (پیغمبرک کتیرمش اولدیغی احکامک، انسانی خصائل جریاهدن تجرید و اجتنابی اخلاقاً مقتضی اولان بعض مشتهیات نفسانییه تخریص ایلدیکی ایچون تعمیم و انتشاره مظهر اولدیغی ادعا اینک، واهی، وخیالی، اساسنر و محاکمه سز لافدن بشقه برشی دکلدر. چونکه معلم شهر (هوتہ تاجر) بزه کوستریورکه حکمیات اخلاقیه و ضروب امثال مشهوره، اسلاملرک عندئذ قواعد اساسیه و لازم الاتباع دساتیردندر) ... بو دین ایچون طرفکیرانه مدح و ثنادن اجتناب ایدلمکه برابر دنیا بیلیرکه: انسانک صفوت اخلاقیه و تراحت روحیه سی تأسیس و ادامه ایچون بولنمی طبعی اولان بعض حکمیات و دساتیر اخلاقیه جملة بودینده موجوددر.

محمد (ص.ع.) ک وعد ایلدیکی جنت نعیمة کلنجه: قرآنده بو ذکر واتیان هیچ بروقت خریستیانلنک عین موضوع حقنده بیان ایلدیکی مواعیددن یوقاری و اونلره نسبتاً مبالغه لی دکلدر چونکه انجیل بوندن بحث ایتدیکی صروده دیورکه: (جنت اویله نعیم و خطوطات مقریدرکه ذوق و صفاسی هر درلو تخیل و تصورک فوقنده در) ...

دلائل عدیده و وثائق مفیده ایله تاریخاً مثبتدرکه: قرآنک سبب انتشاری هیچ بروقت حرب و ضربده و استعمال جبر و شدتده دکلدر. چونکه اسلاملرک سرفرازانی اولان عربلر، فتح ایتدکلری ممالکده کی مغلوبینی حریت و اسعه و مساعدات غیر محدودیه مظهر قلمشاردر. بومساعدات و مساعداتک انباتی قرآنده کوریروز. محمد (ص.ع.) قرآنده موسوی و خریستیانلر حقنده اوقدر واسع درجده مساعدات کوریلورکه کندینه تقدم ایدان ادیانک هیچ برینده بونوع مساعداته تصادف اولنه مامشدر. بوحقیقتلر، عربلرک و اسلامیتک تاریخنی یقیندن تدقیق و تتبع ایدن، ریبون، و مترددینک و حتی دینسزلرک بیه تصدیقلریله میدان علنیه قولمشدر.

اسلامیتک شو احکام اساسیه سنه دائر بسط ایلدیکم فکر و مطالعه، شخصی

وکنده منحصر اولیوب عرب واسلام مدینتی تدقیق وتبع ایدن برچوق  
علما وفضلائک مشاهدات وحا کتیدر .

شجاعت ایله مرحمتی وشفقتی کندیلرندم جمع ایتیش اولان اسلاملر ،  
یقمیرلرینک وضع وتأسیس ایلدیکی قواعد واساسانی نشر وتعمیم ایچوق مجاهد  
ایلدکلری وقت ، اوله برحس مرحمت ، واعتدالکاری ایله وظیفه لرینی اجرا  
ایدرلرکه کندی دینلرینی قبول ایتک ایستین اقوامک جبراً تبدیل دینلرینه  
اصلاً یناشمازلر . بلکه یواقوامک من القدم طایدقلری عقائد واساساته  
مربوطیتلرینی تأیید ایدرلر . بونی کندمدن سویله میورم بلکه ( روبه رفسون ) ک  
( شارلکن ) تاریخده مطالعه واورادن قل ایدیورم که درجه صحت ووثوقدن  
ایتم .

دین ایچون استعمال سینی ( ومسلمانلرک تعیرنیجه اعلاى کلمه الله ایچون  
فی سبیل الله جهادی ) امر ایدان قرآن ، دینی بولتانلر ایچون فوق العاده  
مساحه کاردرد . بطریقلری ، پاپاقلری وسائر رؤسای روحانیه نی ویرکودن معاف  
قلمشدر . محمد ( ص . ع . ) امرا واتباعه آباء کنیسائییه نک قتلنی قطعاً  
منع ایشدر . بونلری دعا آدملری ( hommes de prière ) دیه شایان  
حمایت کوسترمشدر . قدس شریفی فتح ایدن عمر ( ر . ) خریستانلری اصلاً  
اینجیتماشدر . خالبوکه صلیبیون بیت المقدسه صاحب اولدقلری زمان مسلمانلری  
قتل وموسویلری احراق ایشلردرد . ( میشو : اهل صلیب تاریخی : Michau :  
Histoire de Croisade )

هردینک اساسات مبنی علیها سنک مرحمت وعدالت اولدقلرینی مسلمانلردن  
اوکرتن ملل نصارانک شوخاقلری شایان رحم وتأسفدر ملل مغلوبیه خریستیائییه نک  
تبدیل مذهب ایلکه غالبلرینک دین ولسانلرینی قبول ایتلرینک سبی ایسه :  
عناصر غالبه نک ( که ) ( اسلاملردر ) اقوام مغلوبیه ، کندی دینلرندم  
نائل اوله مدقلری فوق العاده لطف وملایتله معامله ایتلری وبرده نشر ایلدکلری  
دینک غایت ساده وعقل سلیمه ده موافق اولسیدر .

دلائل تاریخیه ایله اثباته قالمشدیغی زمان مشاهده اولتورکه : هیچ بر دین

جبر و قوتیه قبول ایتدیریه ماز . اسپانیاده بولنان عربلر خریستیانلر طرفندن مغلوب ایدلنکلی . زمان ، موتی تبدیل دینه بالترجم اقای حیاتدن کری طور مامشردر . قرآنک مظهر قبول عامه اولسی قوه اقناعیه و بساطت بیانی سایه سندم واقع اولمشدر . یواویله محقق و غیر قابل اعتراض برشیدرکه ، عربلری مغلوب ایدن ، ترکلر و مغوللر بیله ، تحت اطاعتلرنده بولنان عربلرک مذهبنی قبول ایشلردر . هله عربلرک حقیقتده نفوذ ایدم مدکلری بلکه برسیر عارضی ایله ایچندن مرور ایدلکلری هندستانده قرآن اوویه مدهش برصورته انتشار ایشدرکه اللی میلیونن زیاده طرفدارانی موجوددر .

اتکلتیمک سنوک زمانلرده تجهیز و ارسال ایلدیکی بیکلرجه میسیونر جمعیاتنک تمادی و لایتقطع فعالیتلرینه و غماً شدی به قدر هیچ برمسلمانک خریستیان اولسیله شوماعی واقع موقیته ایرم مامشدر .

قرآنک چند حکم و نفوذی شایان ذکردر . چندین یوکون بیکرمی ملیون [۱] مسلمان بولتقددر . دین اسلامه توجه و اسناد اولسان مؤاخذاتدن بریسیده قدریلک ، قدره اطاعتله توکلدر . بومؤاخذات هیچ بروجهله شایان اهمیت دکلدر . چونکه قرآندن خلاصه ابتدیکمز بومسئله به دأر آیاتک هیچ بریسنده توراتدن ده فضا به بر اهمیتیه قدردن بحث ایدلدیکنی کور مامشدر . علمای دین ، فیلسوفلر حتی ( لوتر ) بیله جریان اشیا غیر متحواله . اراده اختیاریه به قارستو کتاب مقدس مخصوصه و مجادله ایتکدهدر . قدرت مافوق الطبیعه یی رد و انکار ایدن ، اراده اختیاریه به ضد اولان بوتظاہرات لاتعد و لا تحصى در بر صورتده که بوشره کتاب مقدس شکل و ماهیتده دزلر دینیه بیلیر . [۲]

[۱] جینی ملانلرنک عددی ده محررک کوستردیکی عدددن چوق فضلهدر .

[۲] دمه ترمینیزم ، وفتالیسم کی مالک فلسفه و نفسیه ( psychologie ) دن صکره اراده اختیاریه ویزم تعبیر مزجه ( اراده جزئی ) که اراده اختیاریه ایله فرقی واردر ( libre arbitre ) نامیله یکی بر نظریه موقع مناقشه به وضع ایدلدیکی وقت کلیسا و اتباعنک اعتراض و هجومه سببیت ویرلدی . چونکه آباء کنیسائییه نظراً اراده اختیاریه یی قبول ایتک ، هم اراده السیه یی نئی ایتک ، هم ده انجیل شریفک وقت نزولندن بو نظریه تک ظهوری زمانه قدر کلوب کچمش اولان علما و فلاسفه خریستیانیه تک

بو (قدر و توکل) مسئله‌سی باجماع مللک کتب مقدسه لرینی طوایر مقدمه در.  
 حتی متقدمین یوکا (مقدر destin) تسمیه ایدرلردی و بونی عموم مکوناتک  
 فوقده بر قدرت مطلقه و غیر متاهییه حائز بر قوت اوله رق تلقی ایدرلردی که  
 نظر لر نجه اشیا و نهلر بیه بو مقدره عرض اطاعت و تسلیمیه مجبوردرلر. کندی  
 طرفدن تقدیر (destinée) اولتان شیئی واجب الاتفاذ بیلیرلر. باباستی قتل  
 ایله آناسنی تزوج ایله جکنی کندیسنه اخبار ایدن (هاتف غیبی) تکذیبه  
 یهوده یره اوغراشان (اودیپ) مقدر مکتوبدن اصلا قورتیله مامشدر. [۲]  
 حالبوکه محمد (ص.ع.) کندیسنه تقدم ایدن واضع دینلردن زیاده  
 قدری (قتالیه) دکلدی. بونکله اکتنا ایتیه رک دیه بیلیریم که محمد (ص.ع.) ک،  
 قرآنده بیان ایلدیکی قدر و توکلک درجه‌سی متأخرینک (Contemporains)  
 یکی نظریه لرنده بیان ایلدکلری قتالیه‌دن اصلا یوقاری دکلدی. ایشته علمای

معتقدات و مسائلکته تجاوز و اوغلری تحویر ایتک دیمکدر. آنکچون (لووتر) یوکا  
 تلمیحاً دییور که :

Contre le libre arbitre militent tous les témoignages  
 de l'Ecriture.

یعنی : اراده اختیاریه به قارشو کتاب مقدس که اراده مافوق الطبیعی قبول ایلکدر  
 ضد و مجادلدر.

Ces témoignages sont innombrables, bien plus ils  
 sont l'Ecriture toute entière.

یعنی : شوکتیب مقدس دن اقتباس افکار ایله قدرت و قدرت مافوق الطبیعییه بی التزام  
 و مدافعه ایدن خریستان فیلونلرک هر در او تظاهرانی او قدر جو قدر که بونلره تام کتاب  
 مقدس در دینک جائز اولور.

مؤلف کوستو لو بون (لووتر) ک شو جله‌سی سربست خریستانه قده بیه قدره  
 نه درجه اهمیت عطف ایلدیکنی کوسترمک و اونکله استشهاد ایتک ایچون ذکر ایلدی.  
 (قارئلره سهوت اولیق ایچون بو قدر توضیح ته لزوم کورلدی).

[۲] بوا نظری حکایه تاریخلرده مشهوردر یوکا دائر متعدد تیاترو پیه‌سلری ده

وارددر.

( مترجم )

متأخره (لاپلاس Laplace) کنندن اول (لبلیچ Leibnitz) طرقدن موقع بحثه قونیلش اولان قدر نظریه‌سه دائر شویله یازیور :  
 (طبیعتک مجیز اولدییی بالجه قوایی ، و بو طبیعتی تشکیل ایدن عناصر جویه‌نی ، (اگر فی الحقیقه طبیعت بو قدر دقیق تحلیلاته مساعد اولورسه) حائر اولدییی ، معین بر زمان ایچون تصور اولسان بر ذکا ، دنیاده کی مکونات و موجوداتک اعظمیسندن اصغریسه قدر بالجه حرکات و سکناتندن خبردار اولور. و بونلردن هیچ برینک حال و استقبالی نظریه دقیق و ایقظندن شهره‌سز که دور طوتیه‌مازم .)

عربلرک و حقیقت اشیا ، تتبع و تدقیقاری بنایه‌سند و قوفی بولسان بعض متأخرلرک ، روح فلسفه‌لری تشکیل ایلان شرق قدریلاکی : برنوع توکل مستریمخانه‌دو که انسانه بخت و طالعک احکامنه انقیاد و اتباعی امر و توصیه ایدر. قتالیسم دینی اولقدن زیاده فطروی در . طینت و سجهیه تابع و اونلره کور و متحولدر . چونکه محمد (ص . ع .) دن اول بیله عربلر قدری ، قتالیست ، ایدیلر . فقط عربلرک شو معتقداتی اونلرک ترقی و تعالی‌لرینه اجنبی قالدییی کی تدنی و انحطاط‌لرینه ده تأثیرسز و عقیم قالدی .

و پارس ، ت . س .

## اسلامک بحالی

### اسلام و ترقی

۳

اسلامیتک مهم اساسلرندن بریسی ده اخوتدر که برملتک حیات و بقای ایچون برنجی درجه‌ده الزم اولان شی‌ده بودر . زیرا انسان طبعاً مدنی اولوب بک چوق احتیاجاته معروض بولندیی و حالبو که محتاج اولدییی شیلرک بردانه‌ستی بیله بالکتر باشه تدارکدن عاجز بولندیی جهته یشامق ایستیان برملتک افرادی آردسند غایت صمیمی براخوتک تأسیسه اشد لزوم واردر .